

四庫全書

集部

欽定四庫全書

宋詩鈔卷五十八

內閣中書舍人吳之振編

周必大省齋藁鈔

周必大字子充一字洪道廬陵人第進士中博學宏詞科以教錄召試館職授秘書正字至監察御史孝宗初權給事中請祠提點福建刑獄除秘書少監直學士院侍講中書舍人出知建寧遷翰林學士除尚

書叅知政事拜樞密使右丞相封濟國公光宗拜少
保益國公出判潭州寧宗初以少傅致仕卒贈太師
謚文忠年七十九韓侂冑禁偽學指為罪首有集二
百卷詩格澹雅由白傅而溯源浣花者也

道中憶胡季懷

珍重臨分白玉卮醉中那暇說相思天寒道遠酒醒處
始是憶君腸斷時

行舟憶永和兄弟

一挂吳帆不計程幾回繫纜幾回行天寒有日雲猶凍
江濶無風浪自生數點家山常在眼一聲寒雁正閑情
長年忽得南來鯉恐有音書作急烹

次韻沈世得

作式

撫幹川泳軒

江山倏晴麗雲月助色澤向來面面景天日誰洗滌主
人倚晴檻回首笑謂客府公實知己餘事懶經畫軒蒙
廕大廈軒窓開澤國架簷逼象緯植礎壓鹵斥仰看天
宇大俯覺地軸窄端如倩巨靈妙手重開闢此興固非

淺無入不自遠華闕望中敞
棠陰坐上得波光動藻井
帆影落几席所欣魚依蒲
未許歸見壁陰晴及朝暮
氣象如幾易飈衝有餘韻
鳥度無留迹市聲沉浩浩
漁唱聞昔昔油幕俯流流
修然晉八伯淋漓傳翰墨
鏃擊間金玉連壁嘉同志
倚玉許涼德頻慙陂量容
未為俗駕勒惡詩信非備
勿作春秋責

和仲寧中秋赴飲莊宅

方語頑陰蔽月堂坐看涼
吹動枯楊疾驅雲陣千重
翳

盡放冰輪萬丈光，莫問蚌珠圓合浦。且聽羯鼓打西涼。

疎狂自我何須撓，撓取吹笙玉雪郎。

來詩有妙曲撓周郎之句

送趙富支

彥博

出倅洪州

期集分攜五載前，衝泥各上浙江船。如今再贈城南柳。

依舊梅花夜雨天。

辛未四月晦團司結局
今復以是日送君行

次韻釀飲

層軒發天藏，初日照粉牕。

韓退之高門塗粉牕

雄觀跨鵬背，煩促

陋蠶箔飛緩會。蘭亭傳觴寫桑落，飲興江海窄逸氣雲。

天薄雖無漢侯鯖粗勝周禮釀清歡謝絲竹賀厦驚燕
爵園基賭勝負獻俳紛戲謔涼風徧廣坐長夏失重燾

柳文赫
炎重燾

高會方繼日初筵今告朔要令四難并詎止一

餉樂明朝傳絕唱百年無此作薦聞須狗監賡獨恨鼠
璞今王馳蒲輪之子尚蓮幕行參瑚璉用歸助梁棟託

謂沈
相

讀書照青藜視草詠紅藥回顧廣文寒莫忘雞黍

約

次韻趙公直賞心亭釀飲古風

晉人誇新亭假日輒高會中間伯仁輩未免楚囚對江
山猶古昔快物已曖昧東郊今保釐翠華記行在佳麗
壓淮楚追遊勝冠蓋茲樓貫城雉于邁無小大令威雖

不歸

丁謂勅
茲亭

靈光故無碍黑雲互明滅川郭相映帶當

年烏衣遊此日思一概從容值休沐登臨多慷慨幽懷

忽軒豁細故絕芥蒂已尋詩社盟更許食期戒佳實滿

坐上好風來天外舟移白鷺

洲名

遠目送飛鳥快方種淵

明秫粗免監河貸一醉儻可期與君時倒載

送鄧曾根移帥揚州

聞道維揚地望雄
風流人物似江東
六龍前日臨淮海
五馬由來說醉翁
碧月幾橋留夜色
珠簾十里待春風
遙知九日平山會
笑插茱萸滿鬢紅

送蔡德輝程教授

晚折臺城楊柳枝
夕登瓜步狔狸祠
請君收拾江山助
歸和薰風殿閣詩

留別蘇仁仲通判

公才豈合尚題與天遣寒儒此曳裾
午夜燈花曾共賞
三春樂事未全疎
尊前窈窕傳新唱
耳畔瀾翻聽異書
此別不須勤戀惜
君王日日問嚴徐

送光祿寺丞李德遠請春祠

君家臨川我廬陵
兩郡相望宜相親
長安城中初結綬
石灰橋畔還卜鄰
扣門問道日不足
篝燈照夜論心曲
寸莛那許撞洪鐘
跛鼈近將隨驥驟
聞君上書苦求歸
君今豈是當歸時
滿朝留君君不顧
我雖歎息何能為

莫攀楊柳濤江岸
莫唱陽關動淒斷
行行但祝加餐飯
潮落風生牢繫纜

恩許奉祠子中兄重寄

迂儒豈足助維新
日奉威顏謝主臣
可罷本非緣一事
致疑初不怨三人
弟兄有祿供溫飽
畎畝何階答聖神
此去讀書真事業
向來正字誤根銀

次韻子中兄相迎詩
中有莫松楸之語
追念別後叔母子柔
下世故卒章及之

浙水秦淮度十霜官清誰薄簡編香向來怪虛鳥鳥樂
歸去喜同燈燭光身近廣寒猶內熱手遮赤目却心涼
只愁初踏江邊路封土累然似斧堂

重九竹園見梨花懷子中兄

昏花著雨即塵埃何似深秋耐久開菊尚無多饒瑞質
霜如有意護香腮也知林下風光早不為山中歷日催
望斷行人思折寄却疑呼作嶺頭梅

十月十七日大椿堂小集胡從周季懷以予目疾

皆許送白酒彌旬不至戲成長韻

畏疾甚畏威目昏口止酒爾來時一中免使論薄厚儀
康久廢祠釀具散莫糾採藥山已焚種秫時轉後門稀
門字客室乏借書金尚賴金石交每顧貧病叟前時相
娛樂如對疏廣受有漿不待乞似驗歲在酉今日掃風
軒明日芟園藪白衣雨不來往往化烏有頗聞繼高會
霑醉牛馬走寧忘伐木詩酤胥杏朋友或疑夾西江恥
復餉升斗胡不玩易象樽簋納吾牖二義倘未然諾責

何為負君兮優阮籍僕也減充守結交十五年果可不
飲否食言能無肥有孚乃免咎速宜倒糟床走送昔與
醜勿學比舍郎夜半招吏部

送七兄監廟赴南宮兼呈大兄知縣

河梁曾誦送行篇蝸角牛毛十五年畢竟中間多夢爾
祇今相對各蒼然蕭蕭暫隔連牀雨蕩蕩初行萬斛船
誰近上林看躍馬東陽詩句定先傳

題神岡廟

其神蓋六朝時
劉竺使君也

岸斷川平拔一峰丹青剝落古靈宮
邦人歲久忘遺愛賈客時來乞好風
二水有情猶磬折霜楓無數尚旗紅
岡頭故趾宜亭榭城郭江山在眼中

甲申中秋子中兄賦詩有八月分圓二十年之句
益歎中間多難且離別未嘗為此會也次韻

世事渾如蚰過前刀頭喜對鏡飛天
陰晴萬里同茲夕離別前時照幾年
此去莫令疎會合從來無意必騰騫
幾思重秣迎佳節窮鬼還來笑買田

近屢為此計
垂成輒破

夜坐困甚

馬通薪熱夜爐深
柱膝承顏夢欲成
不記坐來湯沸鼎
却疑蓬底聽灘聲

次韻王少府送蕉坑茶

昏然午枕困漳濱
醒以清風賴子真
初似叅禪逢硬語
久如味諫得端人
王程不趣清明宴
野老先分浩蕩春
敢向柘羅評綠玉
待君同碾試飛塵

二月十七夜與諸弟小酌嘗榘實誤食烏喙烏喙

董也古書云以董寘汧殺人戲成韻

伏神老芋不傷生江蟹彭其禍亦輕我獨好奇嘗汧董
誤思榧實殺三彭

永新賀升卿攜中原六圖相過論古名將出師道
路形勢可指諸掌為賦詩

歷歷山河一卷書博聞疑是古潛夫金城未入職方考
玉坐正披輿地圖取說不應須假道勝齋終困用真儒
從來美玉勞三獻豈比巾箱襲硤硤

君當再
上書

次韻芮曾國憶去年上元二首

使節番禺重中朝社稷臣喜沉刁斗夜遠布玉墀春古

寺看紅葉

報恩寺苔提
葉燈最佳

蕃街試幻人餘歡曾畫否應記

紀梁塵

門外人隨月窓前竹動風老便佳節靜病幸綠樽空春
至鴻聲北人遙蝶夢東隔年詩有債生理固知窮

病中次務觀通判韻

老眼亂蟬翼樂事歎何有今年不銜盃更暇問濡首愛

山空在山擿埴詎容走塵埃登高帽生漉彈碁手三年
一蒲團近者坐欲朽朝來獨何事乾鵲窺甕牖開門得
新詩刮膜如釋負卷舒幾百回呼舞駭鄰友吾曹交以
淡悠久哉采韭此味只自知它人薄玄酒

曾英發運幹頃攜二詩相過今復寄贈大篇且惠
漢唐金石刻輒次前韻道謝

君家奕葉播芳馨室有圖書暴兩榮詩什編成風雅頌
寶章臨徧草真行興來文陣千軍掃醉後談鋒一坐傾

已許春風來過我從今日日聽嚴程

屢空不擬論錢神多病惟思對藥臣驟獲斷碑勝與縞
徐觀妙語可書紳起予字字與三歎集古駸駸訪九垠
欲寄嘉州選何物折楊聊復和韶鈞

青衣道人羅尚簡論予命宜退不宜進甚契鄙心
連日求詩為賦一首

亦知磨蝎直身宮懶訪星官與歷翁豈有虛名望蘇子
漫令簸惡似韓公時清早退人誰肯命薄當間我自通

破戒問君君會否九人於此不相蒙

立春日飲羊羔酒

姚魏紛紛殆百家天香一出自無譁傷多莫厭扶頭酒
貴少翻嫌滿眼花康樂舊間宜水竹翰林新調帶煙霞
從渠草木呈新巧終愧吾公正且葩

頃創碁色之論邦衡深然之明日府中花會戲成

二絕

局勢方迷碁有色歌聲不發酒無歡明朝一彩定兩賽

國手秋唇雙牡丹

醉紅政不妨文飲呼白從來要助歡暮色應同三昧色
牡丹何似九秋丹

池陽四咏之二

夜泊清溪弄水亭棹謳徐起月華明水晶宮畔西湖上

除却兩邦無此情

右弄水亭

天遣江山助牧之詩材猶及杜筠兒向來稍喜唐風集

今信樊川是父師

右杜荀
雀村

再登翠微亭和同年湯平甫

相君早日翼天飛
晚落江湖罪以疑
好事一時開翠壁
佳名千古紀黃扉
朝遊要及鵝翻樹
夕返何妨螢濕衣
更得湯休奇絕句
後來誰憶謝玄暉

贈黃格非

詩社飄零二十年
春官老子復登仙
豫章幸有橫枝在
好覓鸞膠續斷絃

次韻胡邦衡相迎

路逢驛使嶺頭回喜得新詩勝得梅情似春風縹楚柳
句如鵬雪屑韓瑰至今皇側求賢席底事公衡樂聖杯
台路六符行復煥丹心一寸未應灰

向以書戲邦衡云某自廬山游西山當就近公召
節今邦衡有詩督此語不驗次韻

慧遠遙同社洪崖近拍肩松枝年紀萬葉實歲踰千

天池

在廬山絕頂有萬年松香
城在西山絕頂有千年葉

徑欲通天漢忙因擢酒船

帥

附致厨醢四
十樽寄邦衡

香城均一握易地即皆然

邦衡所居亦
曰香城山

遊廬山弔大林

上盡諸峰地轉平
天低雲近日多陰
古來南北通雙徑
此去東西啓二林
虞世南碑從泯沒
白居易序合推尋
康廬第一推仙境
遂使如今忍陸沉

天地觀文殊燈

代馬邊塵暗五臺
南方世界且徘徊
一燈別是真知識
不用犇波學善財

贈西賢藏主可昇

眉州人與
予同庚

我比同年百不能只餘霜鬢愧師兄慇懃覓句無言說
共撥寒灰聽水聲

遊廬山舟中賦四韻

南北周廬阜東西徧九華宴安無酖毒痼疾有煙霞淡
落村村酒甘香院院茶馳驅君莫厭此出勝居家

陳宰有詩來迎次韻

沿浙江湖樂有餘滔滔何必歎東徂賞心到處窮佳境
好事逢人得異書風浪送颿時一快魚龍潛穴不須驅

歸來正使無泥洗合壓香繆作歲除

是行徧歷九華三茅匡廬西山又獲

書籍碑

刻頗富

登龜山次七兄韻

注波緣壁化城中客愠奴嗔我亦慵及至龜山還一上
為憐高閣對雙峰

贈崇壽寺僧善修

老僧九十視耽耽二十年來不下山我得九華充法供
亦能禁足老山間

望皖公山

太婆嶺獨高秋浦皖公山正望龍舒端如牛女隔天漢
不似彭郎近小姑

遊廬山佛手巖雪霽望南山

十日頑陰不見山山中一夜雪封庵伊予的有尋山分
日照北窓雲在山

胡邦衡相過賞金鳳許詩未送復作木犀會二花
殆是的對

身閒端合醉秋光兩地名花況並芳金作鳳形如許巧
木成犀裏若為香髻頭自笑辜釵色沙面誰知識帶黃
莫問詩壇掩旗鼓天生的對欠平章

邦衡置酒出小鬟予以官柳名之間邦衡近買婢
名堊梅以為對

濁水難攀清路塵偶曾先後掌絲綸歸來久待茵憑舊

至後初逢梅柳新湖水欹斜應有意

蘇詩日出冰漸湖水散野梅官柳漸

斜春光漏洩不無因絳帷幸為天荒破日日當為問道人

戊子歲除以糲代酒送邦衡邦衡有詩見戲仍送

牛尾狸次韻

先生豈比習池徒
薄醒仍慙校尉厨
獻糲聊將追粃糒
舖糟只欲伴屠酥
削肌知自何人手
濯頂疑嘗釋氏醐
必許尋花兼問柳
敢辭挈榼更提壺

來詩有尋花句

邦衡再送二詩一和為甚酥二和牛尾狸

金谷烹煎豈我徒
磨春爭語夜闌厨
六年不賜湯官餽

除日猶分刺史酥

是日餞守送酥用東坡謝回守故事

小惠無多真畫餅

大篇有味勝清醕遙知發幕哄堂處不見蒸鵝只瓠壺
追跡猶應怨獵徒截肪何敢恨庖厨膾鱸湖上曾誇玉
煮豆瓶中未是酥伴食偏宜十字餅先驅正賴一庖醕
却因玉面新名字腸斷元正白獸壺

牛尾狸一名玉面狸

後兩日大雪邦衡復用前韻作窮語戲和

天憐寓客混緇徒十日無煙香積厨莫雪故教投碎米
饑涎那更忍流酥旃毛嚙盡寒生粟風絮吟時韻怕醕
誰似維摩坐芳罽散花別是一方壺

己丑二月七日雨中讀漢元帝紀效樂天體

昭君顏如花萬里度難漉古今罪畫手妍醜亂羣目誰
知漢天子祛服自列屋有如公主親尚許穹廬辱況乃
嬪嬙微未得當獯鬻奈何弄文士太息爭度曲生傳琵琶
聲死對青塚哭向令老後宮安得載簡牘一時抱微
恨千古留賸馥因嗟當時事賢佞手反覆守道蕭傳死
效忠京房戮史臣一張紙此外誰復錄有琴何人操有
塚何人宿重色不重德聊以砭世俗

古今賦昭君曲雖大賢所不免僕更

其說無
乃過乎

胡邦衡生日以詩送北苑八銚日注二瓶

賀客稱觴滿冠霞

樓名

懸知酒渴正思茶尚書八餅分閩

焙主簿雙瓶揀越芽

見梅聖俞謝宣城主簿詩

妙手合調金鼎鉉清

風穩到玉皇家明年勅使宣臺餽莫忘幽人賦葉嘉

邦衡再和次韻

金章紀出氣凌霞不愧君王坐賜茶

講讀罷例賜茶一甌

商嶺烹

來思舊樣

王元之詩云樣標龍鳳號題新賜得還因作近臣烹處豈期商嶺水碾時空想健溪春香

于九畹芳蘭氣圓似三秋皓月輪愛
惜不嘗惟恐盡除將供養白頭親
洛泉煎處歎新芽

唐劉言史與孟郊洛北野
泉煎茶詩云粉洗越筍芽
詩評未怕人生癭監濟惟防

賊破家賸欲蒼生蘇息否剛嚴湏是相王嘉

邦衡用舊韻慶予生朝賡續為謝

蓬山落拓復經春宦海茫洋懶問津志節漸銷平日壯
髭毛空比去年新午橋早並緋衣相一月還同赤壁人

邦衡壬午六月生子丙壬七月生同
居廬陵故特此裴度周瑜二公事實
天造駕駘追驥驟

無如才德異疵醇

賀范志能農圃堂

荒淫兵以顛戰勝越云吉是非兩安在阡陌眇蕭瑟公
來開別墅草莽手爬櫛陰晴及寒暑每到皆勝日新詩
弔興廢收拾滿箱帙有客師元亮甫謝彭澤秫幸分北
窓風容此易安膝

八直召對選德殿賜茶而退

綠槐夾道集昏鴉勅賜傳宣坐賜茶歸到玉堂清不寐
月鈎初上紫薇花

過鄔子湖

萬頃湖光似鏡平
蜿蜒得得導舟行
從來仕路風波惡
却是江神不世情

奉祠還姪繹以詩相迎次韻

聖朝有道合羞貧
清畫那容裏路珍
金馬玉堂辭漢殿
桃花流水訪秦人
敢吟莫莫休休句
且佚膠膠擾擾身
高會竹林欣有日
速筇玉友釣溪鱗

前歲冬至與胡邦衡小語端誠殿下道直下舊事

今年邦衡舉易緯六日七分之說輒用子美五
更三點為對後數日得劉文潛運使書記去年
館中團拜人今作八處感歎成詩

青城小語慶新陽共向紅雲拜玉皇六日七分驚歲月
五更三點憶班行屬車誰從黃麾杖釣艇還飛白羽觴
猶勝去年三館客十人八處更相望

十二月十九日錢劉文潛運使明日書來云醉夢
中作小詩但記後兩句為足成之

幽人門巷冷於冰使節光華肯再登
今夕青燈話三館
明年何處說廬陵

臘旦大雪運使何同叔送羊羔酒拙詩為謝

未雪冰厨已擊鮮雪中從事到君前
淺斟未辦銷金帳
快瀉聊憑藥玉船
醉夢免教園踏菜
富兒休詫饌羅羶
爛頭自合侯關內
何必移封向酒泉

簡提刑吳大卿

宗旦

勅四路獄二首

瑞節頻移意可知
西川西廣又江西
蘇黃到處君行部

物色分留待品題

堆勝橫看白鷺洲青源穩着釣臺幽魯公翰墨師川句
訪古何妨與一遊

丁酉二月二十日同部中諸公遊下竺御園坐枕
流亭觀放開桃花數萬隨流而下繼至集芳

缺

也是時海棠滿山郁李滿欄殆不類于人
間世明日入部而桃花數枝伶俜窓外未時內
直則海棠郁李各一株方開遂賦此二絕句云

萬點紅隨雪浪翻恍疑身在武陵源歸來上界多官府
人與殘花兩不言

清勝堂前花萬重玉堂署裏兩芳叢應憐寓直清無侶
聊伴衰翁宿禁中

季懷設醴且示佳篇再賦一章以酬五詠

卯飲高樓徹暮霞絕勝茆屋已公茶
翦包句好逢真實
荷葉甌深再嫩芽詩老坐中容我輩
朝賢乞處藉吾家
詩來屢引歐公茶詩故用翦包詩老事
孟郊憑周況于朝賢乞茶詩云越甌荷葉空
從來佳茗如

佳什屢酌親朋味轉佳

尚長道見和次韻二首

詩成蜀錦燦雲霞宮樣宜嘗七寶茶壓倒柳州甘露飲

子厚茶詩猶同甘露飲洗空梅叟白膏芽聖俞茶詩春芽研白膏睡魔豈是

驚軍將茗戰都緣避作家怪底清風失炎暑朝來吉甫

誦柔嘉連日雨涼

鍾山處士映高霞止酒惟親睡起茶遠向溪邊尋活水

閒于竹裏試陽芽一甌休問帝前席七椀且同僧在家

所愧叔孫無五善若為重拜晉君嘉

頃雲夢至善生院賦詩一聯己丑七月十三日因

遊續成一絕

門外千竿竹繞牆清風終日注回廊五年未續夢中句
得得來追三伏涼

七月十五日邦衡用前韻送薰衣香二帖韻為謝

天香猶帶曳裾霞銀合行參到闕茶

故事召用兩府將到闕中使賜銀合

茶藥及香 賸馥欲沾吾臭味普薰聊發善萌芽心清此去誇

僧舍意可由來出內家乞與博山添正氣
漸巖曾辱更

生嘉

劉向薰爐銘云加此正氣漸巖若山

萬安韋邦彥字俊臣攜王民瞻楊廷秀謝昌國絕句相過次韻勉之

盧谿筆力透天心楊令文追正始音更讀池塘惠連句
識君何待接清襟

後學爭歆雨後巾前賢久澤霧中文韋郎勉力追三傑
它日人還傲五雲

送梁山長老智顯

秦人溪畔漢人山萬木參天六月寒
寫向湯休詩裏集老夫要作畫圖看

昨以清醇之酒為邦衡侍郎壽乃蒙惠詩且約深秋清集至時侍郎當捨芙蓉而面三槐某已歸東籬悠然見南山矣次韻為謝

觚稜回首六經春重挈荷囊止要津
桑下未忘三宿戀柳邊仍喜一番新
即開東閣招奇士快與西湖作主人

卷五十八
濁酒誇張真過矣如公詩句乃清醇

從駕過德壽宮馬上得程泰之次庚寅玉堂舊韻
有銀章金帶之戲走筆為謝

推敲也復從鳴鑾鳳沼詩盟故未寒兩制空煩舍人樣

僕近日詰命及答詔皆年兄筆

外郎爭比大夫官

僕官朝請郎年兄新轉大夫

翰林

今夜仍連直講殿明朝豈兩般畢竟五金如五味莫因

黃白議鹹酸

程泰之昨有金帶銀章之句十二月二十八日乃

因押伴北使赤岸御筵服重金侍宴紫宸殿坐

間嘗作數語為戲後兩日復得其詩亦再次韻

甚日重黃侍御鑾幾時八坐佩金寒

古詩云眼赤何時雨橫腰甚日重杜

工部云連枝不日並八坐幾時除

殿庭屬目誇新貴

閣門官爭相問

部曲低頭

拜舊官

泰之嘗二春官今復借太宗伯

五日尹京非細事四時仕宦固

多般

泰之今春服綠夏間階緋今借金紫真傳游藝也

重行隔品詩仍捷應笑

官卑語帶酸

次韻徐元敏榷貨同年

當年駕鶴乘驂鑒對躡丹梯上廣寒綠髻旋同依帥府
華顛今並列王官文才似我無多子契分於君有四般
唐人與同年詩云契分四般同念舊不妨頻枉駕甕頭隨意酌甘酸

邦衡侍郎留金陵再用津字韻賦詩謝送賜茗復
以丙申小春四鈔寄贈

淳熙又貢第三春驛騎星馳渡劒津七祖師泉難話舊
謂青原八功德水且嘗新雪亭烹處休裝景火閣煎時却

可人只恐春從官柳

邦衡侍郎名

動樂天還欲醉精淳

唐朱敬則

傳淳精流
糟粕棄

聞西省賞酴醾芍藥戲成小詩奉簡泰之侍講舍
人年兄併以丁香橄欖百枚助筵却求殘花數
枝

羣玉園中作主人紫薇花底會嘉賓風光總屬程夫子
好念文昌寂寞春

滿架冰肌含碧雲翻階翠袖映紅裙玉堂只有金沙在
伴直明朝又屬君

翰苑僅有此花
泰之明晚直宿

酒頰恫馬莫分甘金賜麟蹄搗散尖紅白賞殘堪底用

雨中折贈未傷廉

日歷所進書
賜金及酒多

從來引玉即拋磚自笑囊空百不堪賴得酒酣湏茗飲
聊將青子助回甘

次韻閻刑部才元楊梅

炎官傘照濤江紅五月獻果明光宮越人一枝古所重

蜀無他楊譜則同

蜀中絕
無楊梅

玄珠更將赤水浴流火呈祥

復王屋下伴長安黑彈丸殺吏驚人寒起粟新詩字字

含芳鮮大書遺我敦同年請君速訪天竺老食白追繼

仇池仙

東坡寄天竺辨才詩云且食白楊梅蓋山中寶有此果而蜀人注此詩者偶未知耳閬亦蜀人

六曹長貳觀潮子以入直不預晡時大雷雨走筆

戲蔡子平

雷轟萬鼓勒潮回無復庭前雪作堆應為尚書慳且澀
盲風怪雨一時來

次韻天官韓尚書七月十八日風雨中觀潮子內

直不赴

禁直惟聞漏鼓催潮聲遙聽訝蚊雷忽傳傑句天邊得
如對洪濤海上來大筆直能扶風雨小才何敢助涓埃
古今奇觀湏秋半好句重御伯雅杯

邦衡再送皇字韻詩來次韻

賓鴻列陣競隨陽却向丹山隱鳳皇銀管題詩紛滿帙
金釵度曲儼分行漢官蚤促三更席梁苑行稱萬壽觴

上頃語侍臣云頃俟朕大舉同游大梁又聞
虞相陞辭奏云今年當會家都上壽稱觴

顧我飄零

無着處非公前被尚望誰

又次邦衡族姪長彥司戶韻

聖世恩榮盛孝章北窓自欲傲羲皇
通家喜燕雞豚社治郡愁親鴈鴛行
陌上花開人鬪草甕頭酒熟客傳觴
及時行樂君休厭召驛相將項背望

近會同年賞芍藥嘗櫻桃楊謹仲教授有詩次韻
為謝兼簡周孟覺知縣

清晨自掃落花廳小甕親簞竹葉清簪盍同時過陋巷
臚傳相與記彤庭階翻紅藥曾重見

僕十年間兩直西掖矣

勅使

朱櫻亦屢經老去飄零無此夢詩來吟咏有餘馨

同年楊謹仲示薌林諸帖皆以老杜相期惟童敏
德謂不合學東坡殆非知詩者輒用此意成惡
語一篇為誕辰壽祝頌之意見於末章

過江人物向汪曾一世龍門未易登常恐斯文無砥柱
獨推佳句有師承波瀾正使來西蜀廉陸何妨逼少陵
天遣百年如衛武會賡懿頌慶中興

過餘于兵師中秀才以小詩惠歛硯次韻謝之

舊曾起草向明光獨與羅文近赭黃三載瓦池研竈墨
因君聊復夢羲皇

送陸務觀赴七閩提舉常平茶事

暮年桑芋毀茶經應為征行不到閩今有雲孫持使節
好因貢焙祀茶人

鸞棲枳棘已多年父老猶傳主簿賢扶杖喜迎新使者
赤帷何惜與高褰

疲鴛久倦直明光風味嘗思十八娘擬請一麾依故舊

金史卷五十八
得無公道學蘇章

進讀三朝寶訓終篇賜宴錫賚謝恩詩

藝祖提劍開八荒太宗混一垂衣裳真皇破敵神武揚
夷夏憶寧法度彰寶訓成書紀宏剛有典有則萬葉昌
憶昔壬午神龍翔季秋庚子辰集房肇開講席臨清廟
赭袍玉斧光照廊台司夾侍書案黃翰林進讀天容莊
微臣簪筆近御牀親聞玉音義甚長君子小人初何嘗
非闕時運弱與強祗繫人主所否臧當年紀注此特詳

紹興壬午九月庚子初開經筵亦召宰執聽講讀洪邁
初讀三朝寶訓第一卷至太宗問呂蒙正君子少而小
人多蒙正曰此繫時運盛衰陛下宣諭云不然主好
惡如何耳臣時為侍立官退以聖語載起居注中往

來寒暑今一章牙範謬執心傍徨終篇正直恩德洋道

山肆筵酌天漿宮花壓帽羅絲簧硯來復古翰墨光

臣所

得端硯刻復
古殿三字

馬出帝閑真驪驪闕山正焙墮寶香君賜

如天不可量歸美獨愧詞荒唐恭惟聖治超百王夙夜
基命不敢康文德既修狄可攘俎豆永掃旄頭芒三聖
勲烈同煒煌萬年億載娛慈皇

文忠烈公居洛有丙午同甲會詩今執政府凡三位樞密使王季海參政錢師魏先在焉前歲夏某叅叅預連牆而居適然齊年時號丙午坊次文公韻簡二公

文公八十會伊川盛事于今有百年豈意蒼顏華髮叟亦陪黃閣紫樞仙府居未至容連棟班路前瞻愧比肩丁丙連干支合德君臣慶會豈虛傳

和龍舒兄春日出郊韻

庭東蒲鞭吏晝閒禽聲人語兩闌闌
郊垌戎隊穿花裏
阡陌兒童戲雉間
禪語屢題投子寺
仁風常滿皖公山
薦書開道交宸几
尺一封泥合錫還

陶淵明有己酉重九詩一首某以此年此日舟次
吉水距永和才一程耳輒用其韻先寄二兄十
三弟并呈提舉七兄

王覲十五載歸來稀舊交我髣昔已華今茲固宜凋去
國甫重午還家倏登高永和有兄弟咫尺如煙霄緬懷

江東使地遠心更勞遙知上翠微江山勝金蕉豈無茱
萸酒望望思鬱陶相從會有日永矣非一朝

南國築小堂鄰里侯暘獻上梁文戲成小詩記實
解嘲

半畝園林數尺堂凡花疎竹小池塘平泉綠野林相笑
事業功名合自量

用邦衡韻贊其間居之樂且致思歸之意

一別龍門不計春思公夢渡太華津遙知綠野朱顏好

應笑紅塵白髮新
午茗親烹留上客
夜棊酣戰調佳人
道腴有味詩彌勝
何止冰凝與蜜淳

數文閣學士李仁甫挽詞

經學淵源史筆高
文章餘力薄風騷
紛紛小技誇流俗
磨滅身名笑爾曹

鳴佩甘泉不乏人
誰能博古復通今
直如沒黯非游俠
忠似更生不鑄金

千卷長編已刻闕
爭傳副墨價兼金
冠篇不得同迂叟

遺恨猶應記玉音

是是非非口即心掃除人偽只天真身全五福仍通貴
造物因公勸善人

病後精神更湛然挂冠剛欲及生前去來自在渾無碍
撫掌僧徒浪學禪

宋詩鈔卷五十八

欽定四庫全書

宋詩鈔卷五十九

內閣中書舍人吳之振編

周必大平園續集鈔

上已訪楊廷秀賞牡丹於御書扁榜之齋其東園
僅一畝為街者九名曰三三徑意象絕新

楊監全勝賀監家賜湖豈比賜書華回環自斲三三徑
頃刻常開七七花門外有田聊伏臘望中無處不煙霞

即慙下客非摩詰無畫無詩只漫誇

今年閏十月僕營小圃方兩月而張坦夫履示腴
莊圖有起予之意遂率筆成鄙句

百年種德十年栽映帶雲巖與月臺無間四時留客醉
何曾一日不花開人人爭羨富登覽物物豈知工剪裁
我比樊須身更老只今學圃亦悠哉

楊廷秀送牛尾狸侑以長句次韻

江南十月方肅霜小槽初滴鷺兒黃頗思指動異味嘗

門正張羅誰未將披綿強來推不去枯鰕欲進上之戶
羊羶豕腥猶可厭昉截脂凝在何處草玄子雲黃門郎
遺我黑面質白章形之硬語努力強寫以奇字伴史倉
愧無纖手色傾國壓糟磨刀走臧獲喜于左手持蟹黃
美勝八珍熟熊白古來狸首歌侯門名以牛後真屈君
從金玉汝洗俗諺好與紈袖陪梁園公詩如貂不頻削
我續狗尾句空着

寄題高仲一夔殿撰識山堂長韻

買山老山間乃識山之容愛山無古今此論誰非同仇
仙來唐廬一轉語獨工不識山面目只緣在山中譬之
塵漠漠又如水溶溶人魚居其間孰識碍與通我昔少
年日自攜七尺筇盤旋山南北憇息林西東朝看山之
橫暮看山之縱貪多眼為乏陟險足已慵拱揖且不暇
賞失良自蒙方悟白司馬草堂對穹窿彼既若獻狀此
亦如發矇秀甲天下山至言出心胸今君欲繼之築堂
會奇峰何嘗遠城市而能目迎逢山形不動體山色含

真空風雲有蓄洩氣象無終窮雨餘四面翠日麗千仞
紅氤氲香爐煙挺拔雙劍峰最愛五老人峻嶒美所鍾
可望不可即有意容相從羅列皆兒孫几席次第供山
雖誇兩邦茲焉實長雄不為空堂客詎信山有宗寄語
遊山者毋徒走憧憧

送道士張惟深

曾從楊廷秀學詩

出世須拋世俗丈休論何遜與陰鏗但求仙伯三年艾
會向彌明頂上行

彭孝求

惟孝

以綠野行送芍藥數種鄙句為謝

占斷春光及夏初琉璃剪葉朶珊瑚休論花品同而異

牡丹初號木芍藥蓋本同而未異出王元之文集

且詠詩人樂且訐北第莫辭

金鑿落

韓魏公北第賞芍藥詩滿引莫辭金鑿落

南禪爭看玉盤盃彭宣微

恙何妨醉自有嬌痴婢子扶

魚兒牡丹得之湘中花紅而藍白狀類雙魚累累

相比枝不能勝壓而下垂若俛首然鼻目良可

辨葉與牡丹無異亦以二月開因是得名其餘

則芍藥也予名花而賦是詩聞江東山谷間此
品甚多

天教姚魏主芳菲合有宮嬪次列妃玉頸圓瑳宜粉面
霞裙深染學翠衣枝頭窈窕魚雙貫風裏踟躕鳳對花
又似金鳳花莫把根苗方芍藥留春不似送將歸

太守趙山甫

希仁

示和篇次韻為謝

阿嬌金屋聚芳菲當御連環聚妾妃龍女墜天頰素頰
鮫人出水織練衣袖垂戶外瞻雙引鶯語宮中第一飛

不用蟲魚箋爾雅使君合在左符歸

謂魚符也聊答公歸之句

李子權

時中

屢求所居江月亭洛沂齋詩老病未

能作坐上示及和花妃詩甚工即席次韻一首

所謂一彩兩賽也

姚皇

借黃字

去後幾菲菲湘水依然從二妃雙淚一時紅

作纈連枝千載綠為衣檻前斑竹應同伴波面文鴛欲共飛吟徧世間閒草木何如江月詠沂歸

楊廷秀祕監萬花川谷中落花甚多光榮俚語叙

謝

萬花川谷第芳菲也許湘靈滕伏妃翠葉迎風牽荇帶
紅綃浴日濕宮衣共船不妒龍陽釣警乘猶疑洛渚飛
洛神賦云騰文魚以警乘
李善注文魚有翅能飛誰把荒園一魚目換將五十
六珠歸

乙卯楊廷秀訪平園即事

乘興不回安道舟銷憂同倚仲宣樓莫嫌四面酸風射
猶勝三場審汗流

次韻楊廷秀并序

萬花川谷主人為海棠賦二首妙絕古今斷章有平生不帶看花福不是愁中即病中之歎代花次韻

江國羣芳自有餘詩才酒興不愁無却憐西蜀移根遠醉向東風落筆初

傅粉施朱淡復濃不辭沐雨更梳風豈知命似佳人薄不在吾公樂事中

又三月二十八日春華樓前芍藥盛開特招歐葛

二兄再為齊年之集次舊韻

老去猶思飲吸川靜中還喜日為年
父耆天俾如三壽談辨人驚似八仙
洞鑠嵩峰偏入眼丹成岫嶠遠齊肩
定知樂事年年共更看新詩句句傳

次楊子直使君韻

雪璽水絲結素華天孫初織費練車
花開金谷空千種葢疊瑤英自一家
下比山樊誰薄相上攀瓊木各雄夸
集仙翰苑須公等歸繼唐賢植此花

次王伯奮

淹

通判韻

王乃文正公家吏部尚書震之曾孫

三槐交蔭盛京華
八坐摛文富五車
玉樹合教依故國
霜蕤何事到山家
幸經泥軾新題品
全勝雲輶昔誕夸
絕唱強酬書字大
固應傳笑眼昏花

趙正則彥法司戶沿檄而歸玉蓋已過追賦車字
韻詩奉答

春深游客競繁華
寶馬香輪帶麴車
不為來看招隱樹
有誰肯顧野人家
飛飛粉蝶須相映
皎皎銀蟾色共夸

今得審言詩勝畫傳神何必趙昌華

唐詩人杜審言為
吉州司戶正則嘗

刻其詩
于廨舍

丁巳二月甲子蜀錦堂海棠盛開適有惠以繡書

錦堂記者招伯威德源為齊年會次舊韻

曾因客夢到西川萬戶疏封抵隔年花重錦官思杜老
鶴飛沙苑看徐仙衰顏尚許任諍齒淺量深慚賜及肩
照眼蜀粧依繡幌共驚十載識先傳

曾無疑三異以長韻送金橘時已暮春次韻

茶蘼殿春枝滿霜
蘆橘熟夏今乃黃
彈丸煌煌照坐光
老叟驚詫見未嘗
客言采果孟冬月
剖竹為符帶蒼雪
包之赫䟽滿貯中
纏以絲枲外合節
或藏綠豆飲醉翁
或雜寸橐仍緘封
三說未識將誰從
但覺色香新摘同
分甘安能與衆樂
秘方何惜都傳却
已誇指下石化金
仙指併求君勿謔

戊午仲春同甲小集舊次韻

會老三入似潁川生同絳縣免疑年

各年七十三

尊常有酒

何妨醉事每無心即是仙儉欲固應知足足忘形誰問

是肩肩香山已寫丹青像

德源近繪
三壽圖

洛誦仍憑副墨傳

紹興庚午某與安成劉逢辰秋闈同薦逢辰四子

伯德禮淳熙甲午解魁登第今宰臨川仲德仁

拔癸卯解叔德恭負雋聲季德性紹興乙卯復

冠鄉舉出示當時小錄手澤在焉為題二小詩

於後

丁年韋布逐槐忙結綬王畿四紀強已把衣冠挂神虎

夢回猶未熟黃梁

鹿鳴舊籍晚重看翰墨場中興久闌同榜諸郎皆舉首
老夫安得不衰殘

新光州守趙師爽字國佐才高一世任京口以讒
廢宰太和以憂歸得羣待對沒於逆旅家會稽
又遭火焚盡毀之今既葬矣其子寄行狀求追
挽嗟悼不足情見乎辭

藉甚天支萬事通傷哉人爵一生窮飛英北闕讒何極

游刃西昌秩未終千騎絕憐成畫餅八人那忍助融風
只應快閣長流水遺恨滔滔向浙東

劉仙才仲子俊示其父醉庵詩集索鄙句

蹇步樊榭到竹溪病眸眩瞶刮金篦清風滿座無塵事
遺墨盈編有舊題久羨山人居水北今知詩社續江西
醉吟跌宕誰能寫髣髴琳瑯識介珪

慶元戊午重九天氣晴和待王七兄提舉監丞早

集清都臺午飯讀詩書臺晚集神岡西臺皆古

迹也戲成小詩

年豐和氣借春來雨足黃花趁節開要識重陽真富貴

弟兄一日歷三臺

陸士龍與兄書云一日上三臺曹公藏石墨十萬斤又蔡邕以侍御史轉

治書侍御史遷尚書三日之間同歷三臺

已未立春留楊伯子

長孺

知縣小酌夜聞窻竹有

聲伯子以為雪或曰風也已而果雪詰旦敲門

送詩走筆戲和

莫訝衰翁笑口開故人風度繼歐梅墮篴雪陳魚麗遠

踏迹詩仙鳳沼來酒似茅柴居鬲上句如桂子落天台

新年春自相追逐誰謂天公厭兩回

謂坐中舉東坡詩句

已未二月十七日會同甲次舊韻

里人初不問山川身健徒教換歲年紅紫丁寧容老圃

丹青點化屬詩仙情均鴈序兼鶯友壽貫犀顙映霍肩

東坡光道人賀海口山顙犀顙霍肩

莫算酒行徵罰令一株花下一杯傳

賀升卿年垂八十以書寄平園新韻二十二篇又

錄十年前簡予四詩尚有訪戴之興謹次最後

一章韻為謝

文與年高豈樂天字隨心正亦公權吟詩作賦晴窗裏

問柳尋花野水邊

升卿居永新縣東別墅去縣百二十里

喜我新巢三徑

就勞君舊句一時編雪舟有興休回棹共載期追李郭

仙

仲嘉致政敷學尚書注兄寵和鄙句且寄適軒記

詩銘等皆纂白樂天語也敬以來意盡用樂天

事次韻

鄞川人物擬山川公似香山更永年楊柳櫻桃俱是幻
蓬萊兜率孰非仙平生名脫虞卿歷歲晚書齋夢得肩
近岸連檣多賈客定攜新句海中傳

徐商老

夢莘

參議直閣進書登瀛創孺榮堂來索

鄙句許示奏藁寄題

三孔三劉歲月賒後來儒術數君家五枝舊折燕山桂
八月新乘海上槎方履圓冠無愧忤西崑東觀有光華
牙籤縱許窺青簡銀海何堪眩黑花

三月三日適值清明會客江樓共觀並蒂魏紫偶

成二小詩約坐客同賦

上巳清明共一時魏花開處亦連枝前身應是唐宮女
猶記昭容雙袖垂

莫思樂事年年減且喜春花日日開兄弟相看俱八十

研朱贏得祝嬰孩

趙通判每云朱書八十字于襁褓兒領上欲其春如此

正月三日胡季亨及伯信仲威叔賢昆仲歐陽宅

之李達可同自永和來雨中小集疊岫閣用金

鼎玉舟勸酒下視林梅戲華舉說命五說戲祝
六君蒙次前韻賦佳篇各徵舊事各以一篇為

謝

未復中原近有淮前朝該輔只時來濟川用礪我無是
作醴和羹何有哉正喜春晴知歲暮

初二初
二皆晴

頓招兩蒞

坐筵開和詩更作齊兒語老手屠龍合拊孩

右答李季亨

舟浮江海達於淮不盡詞源滾滾來人自浴沂三益者

句成泛剡兩佳哉千鍾但使尊中滿札帙從教案上開
却憶兒童聚嬉戲爭騎竹馬弄泥孩

右答胡伯信

元和頌聖雅平淮韓柳文章付後來聯璧照人今燦者
斷金定契古誰哉白醪勸我頻霑醉青眼逢君肯懶開
會散東風吹面顯凍梨欣喜色如孩

右答胡仲成

朱顏青綬憶秦淮白鷺洲疑鰲駕來側畔交遊欣忭者

中間廢和負康哉新春漸覺風光好陳迹時將日記開
惟有詩情不如昔傍觀撫掌倒綱孩李白金陵詩云二水中分白鷺洲城上有亭紹興戊寅分教時每登覽忘歸自此日有記事已四十六年今廬陵江中亦有白鷺洲嘗創小樓會客其上懷舊及之

右答胡賢叔

安流咫尺異踰淮有興何妨疊擢來茗椀茆柴殊易耳
萍蘆豆粥豈難哉談鋒不怕通宵直燕席寧辭逐日開
況是上元佳節近華燈萬點看蓮孩謂孫孩蓮

右答歐陽宅之

濁涇不必羨清淮
社燕賓鴻任去來
老子何曾憑日者
後生正合競時哉
圓規枉把方心鑿
塵世常令笑口開
八十老翁行未得
不如能說小兒孩

右答李達可

周愚卿江西美劉棠仲同賦江珧詩牽強奉答

周

字元格

東海沙田種蛤蜊
南烹苦酒濯瓊瑤
饌因暫棄常珍變

指為將嘗異味搖珠剖蚌胎那畏鵲柱呈馬甲更名珧
累人口腹吾何敢慚愧三陰喜且謔四月江珧自小種而為大生致行都
廣間則脂之近方稍即用酒漬乃能寄遠韓文公詩章
舉馬甲柱闔以怪自呈柱即珧也廣韻亦注蜃屬甲可
飾物至玉珧似蚌殼中柱美

元宵煮浮圓子前輩似未曾賦此坐間成四韻

今夕知何夕團圓事事同湯官尋舊味竈婢詫新功
星燦烏雲裏珠浮濁水中歲時編雜詠附此說家風

再賦

時節三吳重

京師貴浙燈東坡上元詩云三吳重時節

勻圓萬里同溲浮雖

有法烹煮豈無功杜喜雲杪白徐妨酒復中策勛俱是

林適口不全風

七月十四日江西美約周愚卿兄弟及許景陽相

過共觀鶴雛羽毛褐色因飲食雙醵新酒擘開

中新荔於白蓮池上遂成盛賞明日西美有詩

走筆奉和

起來汗浹似翻漿客帶清風變早涼鶴子曳衣猶淺褐

鶯兒對酒已深黃白蓮近揖三千女丹荔遐招十八娘

但把槐忙付年少不妨老伴燕林塘

杜審言晏公主山池詩云麋麋銜妓

席鶴子
曳童衣

某紹興甲子赴試此地小居今十年三歷秋舉每

遇中秋必與親舊歌舞之今歲大病使令輩散

遣蕭然偶伯信仲威攜子姪相過喜成四韻

上元甲子此攻堅卜築安居正十年登堞遙觀燈奪盡

歸家却賞月流天丹臺旋葺新爐竈絳帳都拋舊管絃

賴有故人將驥子功名不斷復青氈

江西美復送四景詩再次韻

酉歲應知富酒漿
頻年暫輒奏伊涼
沼蓮不使紅侵碧
池鵲聊容白護黃
照坐雖無駢火寶
絮尊幸有絡絲娘
西風早晚驅殘暑
何日尋盟到野塘

三次韻答江西美

菲飲簞壺食與漿
淡交非復世炎涼
佳名誰合戎州綠
妙語端由太史黃
無怨不須移孔議
有情未可老徐娘

荷香襲坐忘歸興不覺昏鴉影度塘

四次韻

同前

只因瑞露酌天漿解后移尊赴晚涼眼看碧幢擎蓋綠
心慚白鵲立槐黃飲隨人量陳三雅興入詩情談四娘

雲墨月離今驗矣共欣甘雨溢陂塘

東坡惟考校詩門外白袍如立鵲莊

子鵲不日浴而白並音雀漢書注黃鵲下太液池似誤矣黃雀樓即黃鵲鵲雀聲相近其色亦然

五次韻

同前

客嘉五饋合先漿竹好仍生一味涼天與冰肌勝傅粉

人馳火齊捷飛黃將雛華表思丁令喚度京江憶北娘
絕妙新篇誰可擬一川煙草賀橫塘

四景詩似欠一篇五更枕上足成之錄呈以博一

笑勿勞屬和僕亦偃旗閉壘矣

同前

甘寒何必柘為漿也解逡巡造醴涼更喜霍鳴添子和
休因荔進引焦黃花如宋玉窺鄰女詩似劉郎問泰娘
只欠西湖雙畫舫便疑風景類錢塘

劉訥畫廬陵三壽圖求詩

同辭宦路返鄉間
兩驕驕中間以驚前後顧瞻羞倚玉
支干引從偶連珠
三人不用邀明月
九老何妨續畫圖
從漢二疏唐尹後
相親相近此應無

次韻楊廷秀待制瑞香花

灞橋忍凍兩相攢
漢殿含香別一般
粉面固宜垂紫袖
錦裳何必著中禪
禁庭侍史今同宿
宮帽花枝故自欹
咀嚼新詩懷舊直
刺貪寧不媿河檀

楊子直以一詩送小兒歸省又一絕及平園花本

校文苑英華併次韻一笑

老去何心悅盛華觀書無奈眼昏花但思載酒楊雲宅

細問三州二部家

作象隨卦云爾

栽花種竹滿平園人道安閒似樂天自笑鉛黃消永日

何如蠻素樂華年

嘉興癸亥元日占寄呈永和乘成二兄

歸田初不隔江淮底事心元未往來賭酒彈棋真夢爾

幼年與見以此膠牙藍尾亦悠哉
守歲不覺天明

修禊歸來却踏青臨流謀野兩闌情不如省事遊春女
挑菜渚邊看水生

王藉文學求讀書堂詩

倚相端能記典墳子羔未可治人民十年莫作攸之恨
萬卷方知甫也神堂下從渠糟粕議城南容我簡編親
鐵更三過韋三絕將聖猶然况後人


次韻楊廷秀待制二首

某思規層宇欲屈故人落之乃未許枉駕先貽二詩

曲盡登臨之意遂成絕唱謹次原韻其前自叙其後
敬簡因致一來一往之意

十年不侍殿東頭臨水登山隱者流
一服瞳方無異相
三層句句有巍樓幸殊王粲非吾土
何事龐公不入州
至後臘前天欲雪扁舟乘興肯來不

官府新辭上界仙碧瑤洞口晉桃園
默存常在清都境
歸去休無靖節園為問龍樓并鳳閣
何如佚及平原原
明年大作南溪社會訪拾遺花柳村



宋詩鈔卷五十九